

CAPUT II.

DE PERIODIS.

QUÆSTIO I. Quid est Periodus?

R. Periodus, quam Cicero circuitum & comprehensionem appellat, est, cum ab initio, ad finem usque, quasi in orbem inclusa fertur oratio, donec consistat in singulis perfectisque sententiis. Sive est oratio brevis & numerosa sensum habens oratione perfectum & completum.

Cicero pro lege Man. *Quanquam mihi semper frequens conspectus vester multo jucundissimus, hic autem locus ad agendum amplissimus, ad dicendum ornatissimus est visus, Quirites!* (hic sensus nondum completus) tamen hoc aditu laudis, qui semper optimo cuique maxime patuit (adhuc pergit in orbem ferri oratio) non mea mea voluntas, sed mea viterationes ab ineunte etate susceptae prohibuerunt.

QUÆSTIO II. Quas partes habet Periodus?
R. Habet majores & minores. Pars major dicitur membrum: minor incisum. **M E M B R U M** est sensus numeris conclusus, sed à toto corpore abruptus & per se nihil efficiens. Ut in priore exemplo, *quanquam mihi semper frequens conspectus vester multo jucundissimus, hic autem locus ad agendum Amplissimus, ad dicendum Ornatissimus est visus, Quirites!* Habes hic sensum numeris conclusum, ita tamen suspensum, ut ab alio sequente excipi debeat. **INCISUM** est sensus brevior

R H E T O R I C A E.

non expleto numero conclusus. Sapissime Pars membra est, justâ magnitudine catens, ia quo scilicet aut verbum, aut mensura hexametro versu ferè par desideratur.

Post redditum ad Quir. Quæ species Italia? quæ celebritas oppidorum? quæ formar regionum? qui agris? quæ fruges? quæ pulchritudo urbis? quæ humanitas civium? quæ recip. dignitas? quæ vestra majestas? In Catil. Tenentur literæ, signa, manus, denique uniuscujusque confessio.

In Pison. O Scelus! O Pestis! O Labes!

QUÆSTIO III. Quid est Periodicè, quid membratim, aut incisim dicere?

R. 1. Periodicè dicit, qui frequentibus uticet Periodis; ut Cicero in Exordio pro lege Manil. & alibi passim.

R. 2. Membratim dicimus, cùm in singulis membris insistit oratio.

Pro Rosc. Amet. Ipse (Chrylogonus) amplissima pecunia fit Dominus)... Multa palam domum suam auferebat; plura clām de medio removebat & non paucas suis adjutoribus largè effusèque donabat & reliqua constitutā auctione vendebat, &c.

R. Incisim dicere, est, incisa nullo inter se nexus conjuncta in oratione frequentare, ut suprà. Quæ species Italia? quæ celebritas oppidorum? &c.

Pro Archia. Hæc studia Adolescentiam alunt & senectutem oblectant; secundas res ornant; delectant domi; non impediunt foris, pernoctant nobiscum; peregrinantur, rusticantur.

LIBERTI.

Periodis orator utitur sere in exordiis, & eum laudat, delectat, aut res graviores describit, Membris potissimum cum narrat, incisis, quando contendit, refellit, invehitur.

QUÆSTIO IV. Quotuplex est Periodus
¶ Prout unum plurave complectitur membra, dicitur Unimembris, Bimembris, Trimembris, Quadrimebris, &c. vide exempla Tullii.

UNIMEMBRIS.

Pro M. Marc. Tantam enim mansuetudinem, eam in usitatam inauditamq; clementiam, tantum in summa potestate rerum opium modum, tam denique incredibilem sapientiam ac pene divinam tacitus nullo modo preterire possum.

In Catil. 35 Remp. Quirites, vitamq; omnium vestrum, bona, fortunas, conjuges liberosque vestros, atque hoc domicilium Clarissimi imperii, fortunatissimam pulcherrimamque urbem hodiernam die, Deorum immortalium summo erga vos amore, consiliis periculisq; meis ex flamma atque ferro, ac pene ex faucibus fati ereptam Ego vobis conservatam a restitutam videtis.

BIMEMBRIS.

Pro domo. Cum multa divinitus, Pontifices! a majoribus nostris inventa atque instituta sunt, tum nihil præclarius, quam quod vos eisdem Ego religiobus Deorum immortalium Ego summae Reip. præfessi voluerunt.

POETICÆ. I

I. de Orat. *Qui locus quietis & tranquillitatis plenissimus fore videbatur, in eo maxime molestiarum & turbulentissimæ tempestates extiterunt.*

TRIMEMBRIS.

Pro Quint. *Si veritate Amicitia, fide Societas, pietate propinquitas colitur, necesse est, iste, qui amicum, locum, affinem famam & fortunis stoliare conatus est, vanum se & perfidiosum & impium esse fateatur.*

Post Red. *Etsi homini nihil est magis optandum quam prospera, aquabilis perpetuâq; fortuna, secundo vita sine ulla offensione cursu, tamen si mihi tranquilla & pacata omnia fuissent, incredibili quadam & penè divinâ Lætitiæ voluptate caruisset.*

QUADRIMEMBRIS.

Pro L. Muræn. *Quæ precatus sum à diis immortalibus, judices, more institutoque majorum illo die, quo auspicato comitiis Centuriatis L. Murenam Consulem renunciavi: ut eares mihi Magistratuiq; meo, populo, plebiq; Rom. bene atque feliciter eveniret eadem precor ab iisdem diis immortalibus, ob ejusdem hominis consulatum unâ cum salute obtinendum.*

Pro Cæcin. *Si quantum in agris locisq; desertis audacia potest, tantum in foro atque in judiciis impudentia valeret; non minus in causa cederet A. Cætinna Sexti Ebutii impudentia, quam tum in vi facienda cessit audacia.*

QUÆSTIO V. In quo potissimum venustas Periodi consistit?

¶. I. In numero. Numerus seu numerosa Ora-

rio in suavi quadam syllabarum tum brevium tum longatum mixtura concentuque consistit, qui aures demulceat, atque in animum influat. Unde etiam auditu potius, quam præceptis discitur. Removenda tamen à periodo est 1. omnis consonantium asperitas; ut, *Xerxis exercitus*: 2, earundem syllabarum repetitio, ut: *invise visæ mihi literæ*, &c. 3. Aspera vocalium collisio: Ut: *ex aperta arca accepit*. 4. Plutum monosyllaborum coniunctio; v. g. *Ne hoc sic facias*.

EXEMPLUM NUMEROSÆ ORATIONIS.

Cicero in Antonium. *Temiror, Antoni! quorum facta imitare, eorum exitus non perhorrescere:* Peribit numerus & numerosa oratio, si hunc in modum efferas; *Antoni! te miror non perhorrescere exitus eorum, quorum imitare facta.*

Itaque neque numerosa esse, ut poëma, neque extra numerum, ut sermo vulgi, debet oratio, ait Tullius in oratore ad Brutum: Ubi cùm hanc suam sententiam laudâisset; *Patris dictum sapiens temeritas filii comprobavit, subjicit: ordinem immuta, Patris dictum sapiens comprobavit filii temeritas, jam nihil erit.*

3. 2. In Clausulis, id est, in certis pedibus metris Periodum claudentibus.

Eiusmodi pedes sunt Dichoreus, ut; *comprobantur. Creticus cum Dichoreo, gloriam conculisti. Duo Dichorei, per triennium dederunt. Dochimus, perhorrescere. aliiq;*

RHE TORICÆ.
CLAUSULÆ TULLIANÆ.

Reipublica præesse voluerunt.

Nullo modo præterire possum.

Magnitudini beneficiorum id tribuendum puto.

Familiam penè ab ineritu vindicasti.

Quasi signum aliquod sustulisti.

Timendum fuisse senserunt.

Prater te, mederi nemo potest.

Intolerabiles haberis solent.

Summo reipublica tempore videtur.

De tuis laudibus conticescet.

Eorum exitus non perhorrescere.

Restitutam puto, &c.

His similibusq; clausulis si aures assuefiant, difficile non erit, periodos cum venustate absolvere. Cavendum tamen imprimis, ne sententiae frequenter eodem modo iisdem ve pedibus claudantur.

QUÆSTIO VI. Quibus particulis membra Periodi aptè connectantur?

R. Sequentibus. Talis, qualis. Adeò, ut. Ed major, quò. Tantum, quantum. Non minùs, quam. Quod, id. Non ut, sed ut. Cùm, tùm. Quantum, tamen. Non solum, sed etiam. Ità, ut. Quemadmodum, sic. &c.

EXEMPLA CICERONIS.

Pro Cæcinna. Si quantum, in agris locisque defertis audacia potest, tantum in foro atque in iudiciis impudentia valeret; non minùs in causa cederet Cæcinna Ebutii impudentie, quam in vi facienda esset audacia.

L I B E R III.

In Verrem. Quod erat optandum maxime, judices! id non humano consilio, sed propè divinitus datum atque oblatum vobis summo reip. tempore uidetur.

Huius ego cause accessi, non ut invidiam augerem ordinis, sed ut infamia communi succurrerem.

Pro domo. Cùm multa divinitus Pontifices! à majoribus nostris inventa atque instituta sunt, tum nihil præclarius, quam quòd vos eosdem & religiōbus Deorum immortalium, & summa reip. præesse voluerunt.

Pro lege Manil. Quanquam mihi semper frequens conspectus vester multò jucundissimus, &c. tamen, &c. ut supra.

QUÆSTIO VII. Fierine potest ex eâdem periodo Unimembri, servatis ferè iisdem verbis, Periodus Bimembri, Trimembri, Quadrimentri? Q. Potest: Vide Schema, & imitare.

U N I M E M B R I S.

Nihil in rebus prosperis, nihil in adversis amici benevolentia est utilius.

B I M E M B R I S.

Cùm nihil in rebus prosperis adversisque, amici benevolentia sit utilius, quis illam rebus omnibus humanis facilè anteponendam non arbitretur?

T R I M E M B R I S.

Cùm ea sit veri sinceriique amici natura & indoles, ut res secundas lætiores, adversas leviores faciat; quis tot inter ac tantas hujus vitæ varietates, sine amici benevolentia, vivere se posse arbitretur?

Q U A-

QUADRIMEMBRI.

Cum ea sit veri sinceriique amici natura & indoles, ut res secundas lætiores, adversas leviores faciat; eritne aliquis tam parum amicus sui, tam parum cupidus tranquillitatis ac pacis, ut tot inter actantas hujus vitæ varietates sine amici benevolentia, vivere se posse arbitretur? Vide Lejay.

QUÆSTIO VIII. Quibus modis amplificatur Periodus? &c. Variis modis, inter quos faciliores sunt sequentes:

I. Per Synonyma & Epitheta illustria.

Cicero post reditum. *Quæ tanta potest existere libertas ingenii: quæ tanta dicendi copia, quod tam divinum atque incredibile genus orationis, quo quisquam possit vestram nos universa promerita non dicam complecti orando, sed percensere numerando?*

Pro Marcello. Domuisti gentes immanitate barbaras, multitudine innumerabiles, locis infinitas, omni copiarum genere abundantes.

II. Per varias ejusdem rei descriptiones seu definitiones.

Cicero pro Milone. *Vidimus templum Sanctitatis, caput urbis, aram Sociorum, portum omnium gentium, sedem ab universo populo concessam uni ordini, inflammari, excindi, funestari. Id est, vidimus curiam incendi.*

III. Per auxesini & verba magis magisque significantia.

Cicero in Verrem. *Non enim furem, sed raporem, non adulterum, sed expugnatorem pudicitiae, non sacrilegum, sed hostem Sacrorum religionumque.*

P

LIBER ID.

non sicarium, sed crudelem carnificem civium sociorumq;, in vestrum judicium adduximus.

IV. Per partium enumerationem.

Cicero in Catilinam. *Quid mali aut sceleris fingi aut excogitari potest, quod ille non conceperit? quis totâ Italia veneficus, quis Latro, quis Sicarius, quis parricida, quis ganeo, quis Nepos, quis Sicarius, quis corruptor juventutis, quis corruptus, quis perditus, qui se cum Catilina non familiarissime vixisse fateatur?*

V. Per adjuncta & circumstantias rei, quæ sequenti versu continentur: *Quis? Quid? Ubi? quibus auxiliis? Cur? Quomodo? Quando? De quibus plura L. i. ubi de amplificatione, quæ sit per locos Rhetoricos.*

QUÆSTIO IX. Quibus particulis Periodus cum periodo connectitur?

Bz. Sequentibus. *Ac primò quidem: deinde. Enimvero. Neque vero. Nam. Etenim. Itaque. Quod si. Quin etiam. Adde, quod. Accedit. Et illud. Quid? quid est. Atque ego quidem. Quoniam vero. Et similes: quas potissimum in exordiis à Cicerone usurpatas reperies.*

QUÆSTIO X. Quomodo Ciceronis periodos imitabimur?

Bz. *Etsi studio & conatu facilius, quam præceptis id addisces, juverit tamen nobiliores quasdam Ciceronis periodos memoriam tenere, easque saepius apud te repetere, ut oratorio numero paulatim assuescas & facilitatem aliquam imitandi acquiras.*

Deinde

RHETORICÆ.

11

Deinde numerum ac dispositionem periodi Ciceronianæ serva, eamq; alii materiae aut sententiae applica. Vide exempla ad imitationem Ciceronis exacta.

PERIODUS CICERONIANA.

*Si quantum in agris lolisque desertis audacia potest,
tantum in foro atque in iudiciis impudentia valeret
Ec. ut supra.*

IMITATIO.

Si quantam in expugnandis hostibus fortitudinem Alexander Magnus præse tulit; tantam in privatæ vitæ consuetudine moderationem animi exhibuisset; non minus principibus viris ad exemplum proponeretur ejus moderatio, quam ad imitandum proponi solet ejus fortitudo.

PERIODUS CICERONIANA.

Si fuit in republica tempus ullum, cum ex quoque re arma posset è manibus iratorum civium boni civis auctoritas & oratio; tum profectò fuit, cum patrocinium pacis exclusum est, aut errore hominum, aut timore. Id est, tempore belli plurimum valuit boni civis auctoritas.

IMITATIO.

SENTENTIA.

Nunquam virtus probatur melius, quam in adversis.

Si est in vita tempus ullum, cum probari possit viri fortis magnanimitas atque constantia, tum profectò est, cum fortunæ reflantis æstum experitur

tur , aut inimicorum injuriā , aut amicorum infidelitate.

ALIA SENTENTIA.

Nullum est tempus virtuti aptius , quam Adolescentia.

Si est in vita tempus ullum , cùm institui facilè possunt ad virtutem hominum animi ; tum profectò est , cùm ætas flexilis ac cerea moderatoris manum non abnuit , aut pravitate cordis , aut morum corruptelâ .

PERIODUS CICERONIANA.

Cùm multa divinitus , Pontifices , à majoribus nostris inventa atque instituta sunt , tum nihil præclarius , quam quòd vos eosdem & religionibus Deorum immortalium & summae rep. præesse voluerunt ; ut Clarissimi cives remp. bene gerendo , Religiones interpretando , rempublicam conservarent

IMITATIO.

SENTENTIA.

Sapienter constituta sunt virtuti præmia , & supplicia sceleri.

Cùm multa in omni rep. laudabiliter inventa , felicitérque instituta sint , tum nihil præclarius , quam quòd virtuti præmia , supplicia sceleri proponerentur : Ut boni mercedis exspectatione , mali pœnarum metu in officio continerentur .

ALIA SENTENTIA.

In largiendis honoribus non tam nobilitatis , quam virtutis habenda est ratio.

Cuma

Cùm ad tuendam Impetui Romani dignitatem plenæ singulari prudentiâ leges à reip. moderato-ribus constitutæ sunt , tum illa certè præstantissima , quòd in largiendis honoribus non tam generis , quàm virtutis haberetur ratio : Ut nobiles viri repulsæ metu , ignobiles gloriæ desiderio ad magna quæque accenderentur. Lejay.

CAPUT II.

DE TROPI S.

Tropus est verbi vel sermonis à propria significatione in alienam cum virtute mutatio. Ut cùm dicimus , *latus segetes* : Verbum *latus* ab homine ad *segetes* transfertur.

Sunt antem tropi numero undecim : in uno verbo septem : videlicet Metaphora , Synecdoche , Metonymia , Antonomasia , Catachresis , Metalepsis , Onomatopœia. In pluribus , quatuor : Allegoria , (cui addi potest Ironia) Periphrasis , Hyperbaton , & Hyperbole.

ARTICULUS I.

DE METAPHORA.

Questio 1. Quid est Metaphora?

R. Metaphora, latinè translatio, est, cùm verbum , propter similitudinem transfertur ad rem significandam , quam propriè non significat , ut , si de homine